



978184

左傳事緯目錄

卷八

楚靈之亂

齊景納燕莒

晉霸之衰

左傳事緯卷八

目錄

朝不書室



楚靈之亂

卷八

左傳事緯目錄

左傳事緯卷八

楚靈之亂

六年二十楚子秦人侵吳及雩婁聞吳有備而還遂侵鄭五月至於城麇鄭皇頡戍之出與楚師戰敗穿封戍囚皇頡公子圍與之爭之正於伯州犁伯州犁曰請問於囚乃立囚伯州犁曰所爭君子也其何不知上其手曰夫子爲王子圍寡君之貴介弟也下其手曰此子爲穿封戍方城外之縣尹也誰獲子囚曰頡遇王子弱焉戍怒抽戈逐王子圍弗及楚人以皇頡歸印董父與皇頡戍城麇楚人囚之以獻於秦鄭人取貨於印氏以請之

左傳事緯卷八

朝古不書至

子大叔爲令正以爲請子產曰不獲受楚之功而取貨於鄭不可謂國秦不其然若曰拜君之勤鄭國微君之惠楚帥其猶在敝邑之城下其可弗從遂行秦人不予更幣從子產而後獲之  
二十楚邾敖卽位王子圍爲令尹鄭行人子羽曰是謂不宜必代之昌松柏之下其草不殖三十年春王正月楚子使薳罷來聘通嗣君也穆叔問王子之爲政何如對曰吾儕小人食而聽事猶懼不給命而不免於戾焉與知政固問焉不告穆叔告大夫曰楚令尹將有大事子蕩將與焉助之匿其情矣六月鄭子產如陳洫盟歸復命告大夫曰陳亡國也不可與也聚禾

粟繕城郭恃此二者而不撫其民其君弱植公子侈大子卑大夫傲政多門以介於大國能無亡乎不過十年矣楚公子圍殺大司馬薳掩而取其室申無宇曰王子必不免善人國之主也王子相楚國將善是封殖而虐之是禍國也且司馬令尹之偏而王之四體也絕民之主棄身之偏艾王之體以禍其國無不祥大焉何以得免三十衛侯在楚北宮文子見令尹圍之威儀言於衛侯曰令尹似君矣將有他志雖獲其志不能終也詩云靡不有初鮮克有終終之實難令尹其將不免公曰子何以知之對曰詩云敬慎威儀唯民之則令尹無威儀民無則焉民

左傳事緯卷八

一  
朝宗書室

所不則以在民上不可以終公曰善哉何謂威儀對曰有威而可畏謂之威有儀而可象謂之儀君有君之威儀其臣畏而愛之則而象之故能有其國家合聞長世臣有臣之威儀其下畏而愛之故能守其官職保族宜家順是以下皆如此是以上下能相固也衛詩曰威儀棣棣不可選也言君臣上下父子兄弟內外大小皆有威儀也周詩曰朋友攸攝攝以威儀言朋友之道必相教訓以威儀也周書數文王之德曰大國畏其力小國懷其德言畏而愛之也詩云不識不知順帝之則言則而象之也紂囚文王七年諸侯皆從之囚紂於是乎懼而歸之可謂愛

之文王伐崇再駕而降爲臣蠻夷帥服可謂畏之文王之功天下誦而歌舞之可謂則之文王之行至今爲法可謂象之有威儀也故君子在位可畏施舍可愛進退可度周旋可則容止可觀作事可法德行可象聲氣可樂動作有文言語有章以臨其下謂之有威儀也

昭元年

楚公子圍使公子黑肱伯州犂城犇

櫟鄭人懼子產曰不害令尹將行大事而先除二子也禍不及鄭何患焉冬楚公子圍將聘於鄭伍舉爲介未出竟聞王有疾而還伍舉遂聘十一月己酉公子圍至入問王疾縊而弑之遂殺其二子幕及平夏合尹子干出奔晉宮廐尹子皙出奔鄭

左傳事緯卷八

三

昭示

室

殺大宰伯州犂於郊葬王於郊謂之郊敖使赴於鄭伍舉問應爲後之辭焉對曰寡大夫圍伍舉更之曰共王之子圍爲長楚靈王卽位薳罷爲令尹薳啓彊爲大宰鄭游吉如楚葬郊敖且聘立君歸謂子產曰具行器矣楚王汰侈而自說其事必合諸侯吾往無日矣子產曰不數年未能也

年十月鄭伯如楚子

產相楚子享之賦吉日既享子產乃具田備王以田江南之夢

四年春王正月許男如楚楚子止之遂止鄭伯復田江南許

男與焉使椒舉如晉求諸侯二君待之椒舉致命曰寡君使舉

曰日君有惠賜盟於宋曰晉楚之從交相見也以歲之不易寡

人願結驩於二三君使舉請聞君若苟無四方之虞則願假寵以請於諸侯晉侯欲勿許司馬侯曰不可楚王方侈天或者欲逞其心以厚其毒而降之罰未可知也其使能終亦未可知也晉楚唯天所相不可與爭君其許之而修德以待其歸若歸於德吾猶將事之況諸侯乎若適淫虐楚將棄之吾又誰與爭公曰晉有三不殆其何敵之有國險而多馬齊楚多難有是三者何鄉而不濟對曰恃險與馬而虞鄰國之難是三殆也四嶽三塗陽城大室荆山中南九州之險也是不一姓冀之北土馬之所生無興國焉恃險與馬不可以爲固也從古以然是以先王

左傳事緯卷八

四

第三卷之三

務修德音以亨神人不聞其務險與馬也鄰國之難不可虞也或多難以固其國啟其疆土或無難以喪其國失其守宇若何虞難齊有仲孫之難而獲桓公至今賴之晉有里平之難而獲文公是以爲盟主衛邢無難敵亦喪之故人之難不可虞也恃此三者而不修政德亡於不暇又何能濟君其許之紂作淫虐文王惠和殷是以隕周是以興夫豈爭諸侯乃許楚使使叔向對曰寡君有社稷之事是以不獲春秋時見諸侯君實有之何辱命焉椒舉遂請昏晉侯許之楚子問於子產曰晉其許我諸侯乎對曰許君晉君少安不在諸侯其大夫多求莫匡其君在

宋之盟又曰如一若不許君將焉用之王曰諸侯其來乎對曰  
必來從宋之盟承君之歡不畏大國何故不來不來者其魯衛  
曹邾乎曹畏宋邾畏魯魯衛偪於齊而親於晉唯是不來其餘  
君之所及也誰敢不至王曰然則吾所求者無不可乎對曰求  
逞於人不可與人同欲盡濟夏諸侯如楚魯衛曹邾不會曹邾  
辭以難公辭以時祭衛侯辭以疾鄭伯先待於申六月丙午楚  
子合諸侯於申椒舉言於楚子曰臣聞諸侯無歸禮以爲歸今  
君始得諸侯其慎禮矣霸之濟否在此會也夏啟有鈞臺之享  
商湯有景亳之命周武有孟津之誓成有岐陽之蒐康有酈宮

左傳事緯卷八

五 朝公不書室

之朝穆有塗山之會齊桓有召陵之師晉文有踐土之盟君其  
何用宋向戌鄭公孫僑在諸侯之良也君其選焉子曰吾用齊  
桓王使問禮於左師與子產左師曰小國習之大國用之敢不  
薦聞獻公合諸侯之禮六子產曰小國共職敢不薦守獻伯子  
男會公之禮六君子謂合左師善守先代子產善相小國王使  
椒舉侍於後以規過卒事不規王問其故對曰禮吾未見者有  
六焉又何以規宋大子佐後至王田於武城久而弗見椒舉請  
辭焉王使往曰屬有宗祧之事於武城寡君將墮幣焉敢謝後  
見徐子吳出也以爲貳焉故執諸申楚子示諸侯侈椒舉曰夫

六王二公之事皆所以示諸侯禮也諸侯所由用命也夏桀爲仍之會有緡叛之商紂爲黎之蒐東夷叛之周幽爲大室之盟戎狄叛之皆所以示諸侯汰也諸侯所由棄命也今君以汰無乃不濟乎王弗聽子產見左師曰吾不患楚矣汰而愼諫不過十年左師曰然不十年後其過不遠遠惡而後棄善亦如之德遠而後興秋七月楚子以諸侯伐吳宋太子鄭伯先歸宋華費遂鄭大夫從使屈申圍朱方八月甲申克之執齊慶封而盡滅其族將戮慶封椒舉曰臣聞無瑕者可以戮人慶封唯逆命是以此其肯從於戮乎播於諸侯焉用之王弗聽負之斧鉞以

徇於諸侯使言曰無或如齊慶封弑其君弱其孤以盟其大夫慶封曰無或如楚共王之庶子圍弑其君兄之子麋而代之以盟諸侯王使速殺之遂以諸侯滅賴賴子面縛銜璧士袒輿櫬從之造於中軍王問諸椒舉對曰成王克許許僖公如是王親釋其縛受其璧焚其櫬王從之遷賴於鄢楚子欲遷許於賴使鬬韋龜與公子弃疾城之而還申無宇曰楚禍之首將在此矣召諸侯而來伐國而克城竟莫校王心不違民其居乎民之不處其誰堪之不堪王命乃禍亂也冬吳伐楚入棘櫟麻以報朱方之役楚沈尹射奔命於夏汭箴尹宜咎城鍾離薳啟疆城巢

然丹城州來東國水不可以城彭生罷賴之師

五年楚子以屈

申爲貳於吳乃殺之以屈生爲莫敖使與令尹子蕩如晉逆女過鄭鄭伯勞子蕩於汜勞屈生於菟氏晉侯送女於邢正子產相鄭伯會晉侯於邢正晉韓宣子如楚送女叔向爲介鄭子皮子大叔勞諸索氏大叔謂叔向曰楚王汰侈已甚子其戒之叔向曰汰侈已甚身之災也焉能及人若奉吾幣帛慎吾威儀守之以信行之以禮敬始而思終終無不復從而失儀敬而不失威道之以訓辭奉之以舊法考之以先王度之以二國雖汰侈若我何及楚楚子朝其大夫曰晉吾仇敵也苟得志焉無恤其他今其來者上卿上大夫也若吾以韓起爲闞以羊舌肸爲司宮足以辱晉吾亦得志矣可乎大夫莫對蘧啟疆曰可苟有其備何故不可恥匹夫不可以無備況恥國乎是以聖王務行禮不求恥人朝聘有珪享殯有璋小有述職大有巡功設几而不倚爵盈而不飲宴有好貨餼有陪鼎入有郊勞出有贈賄禮之至也國家之敗失之道也則禍亂興城濮之役晉無楚備以敗於邲邲之役楚無晉備以敗於鄢自鄢以來晉不失備而加以禮重之以睦是以楚弗能報而求親焉旣獲姻親又欲恥之以召寇讎備之若何誰其重此若有其人恥之可也若其未

有君亦圖之晉之事君臣曰可矣求諸侯而麀至求昏而薦女君親送之上卿及上大夫致之猶欲恥之君其亦有備矣不然柰何韓起之下趙成中行吳魏舒范鞅知盈羊舌肸之下祁午張趯藉談女齊梁丙張骼輔躒苗賁皇皆諸侯之選也韓襄爲公族大夫韓須受命而使矣箕襄邢帶叔禽叔椒子羽皆大家也韓賦七邑皆成縣也羊舌四族皆彊家也晉人若喪韓起楊肸五卿入大夫輔韓須楊石因其十家九縣長轂七百其餘四十縣遺守四千奮其武怒以報其大恥伯華謀之中行伯魏舒帥之其蔑不濟矣君將以親易怨實無禮以速寇而未有其備

左傳事緯卷八

八 朝之不吉

使羣臣往遺之禽以逞君心何不可之有王曰不穀之過也大夫無辱厚爲韓子禮王欲赦叔向以其所不知而不能亦厚其禮韓起反鄭伯勞諸圍辭不敢見禮也冬十月楚子以諸侯及東夷伐吳以報棘櫟麻之役薳射以繁揚之師會於夏汭越大夫常壽過帥師會楚子於瑣聞吳師出薳啟彊帥師從之遽不設備吳人敗諸鵠岸楚子以駟至於羅汭吳子使其弟蹶由犒師楚人執之將以釁鼓王使問焉曰女卜來吉乎對曰吉寡君聞君將治兵於敝邑卜之以守龜曰余亟使人犒師請行以觀王怒之疾徐而爲之備尙克知之龜兆告吉曰克可知也君若

驩焉好逆使臣滋傲邑休息而忘其死亡無日矣今君奮焉震  
電馮怒虐執使臣將以釁鼓則吳知所備矣傲邑雖羸若早修  
完其可以息師難易有備可謂吉矣且吳社稷是卜豈爲一人  
使臣獲釁軍鼓而傲邑知備以禦不虞其爲吉孰大焉國之守  
龜其何事不卜一臧一否其誰能常之城濮之兆其報在邇今  
此行也其庸有報志乃弗殺楚師濟於羅汭沈尹赤會楚子次  
於萊山蘧射帥繁揚之師先入南懷楚師從之及汝清吳不可  
入楚子遂觀兵於坻箕之山是行也吳早設備楚無功而還以  
蹶由歸楚子懼吳使沈尹射待命於巢蘧啟疆待命於雩婁禮

左傳事緯卷八

九朝志不書左

也

六年

楚公子弃疾如晉報韓子也過鄭鄭罕虎公孫僑游吉

從鄭伯以勞諸祖辭不敢見固請見之見如見王以其乘馬入  
匹私面見子皮如上卿以馬六匹見子產以馬四匹見子大叔  
以馬二匹禁芻牧採樵不入田不樵樹不采蓺不抽屋不强旬  
誓曰有犯命者君子廢小人降舍不爲暴主不恩賓往來如是  
鄭三卿皆知其將爲王也韓宣子之適楚也楚人弗逆公子弃  
疾及晉竟晉侯將亦弗逆叔向曰楚辟我衷若何效辟詩曰爾  
之教矣民胥效矣從我而已焉用效人之辟書曰聖作則無甯  
以善人爲則而則人之辟乎匹夫爲善民猶則之況國君乎晉

侯說乃逆之徐儀楚聘於楚楚子執之逃歸懼其叛也使蕞洩  
伐徐吳人救之令尹子蕩帥師伐吳師於豫章而次於乾谿吳  
人敗其帥於房鍾獲宮廄尹弃疾子蕩歸罪於蕞洩而殺之冬  
叔弓如楚聘且弔敗也

楚子之爲令尹也爲王旃以田芋

尹無宇斷之曰一國兩君其誰堪之及卽位爲章華之宮納亡  
人以實之無宇之闖入焉無宇執之有司弗與曰執入於王宮  
其罪大矣執而謁諸王王將飲酒無宇辭曰天子經略諸侯正  
封古之制也封略之內何非君土食土之毛誰非君臣故詩曰  
普天之下莫非王土率土之濱莫非王臣天有十日人有十等

左傳事緯卷八

十

朝古亦書

下所以事上上所以共神也故王臣公公大夫大夫臣士士  
臣阜阜臣輿輿臣隸隸臣僚僚臣僕僕臣臺馬有圍牛有牧以  
待百事今有司曰女胡執人於王宮將焉執之周文王之法曰  
有亡荒閱所以得天下也吾先君文王作僕區之法曰盜所隱  
器與盜同罪所以封汝也若從有司是無所執逃臣也逃而舍  
之是無陪臺也王事無乃闕乎昔武王數紂之罪以告諸侯曰  
紂爲天下逋逃主萃淵藪故夫致死焉君王始求諸侯而則紂  
無乃不可乎若以二文之法取之盜有所在矣王曰取而臣以  
往盜有寵未可得也遂赦之楚子成章華之臺願與諸侯落之

大宰蕞啟疆曰臣能得魯侯蕞啟疆來召公辭曰昔先君成公命我先大夫嬰齊曰吾不忘先君之好將使衡父照臨楚國鎮撫其社稷以輯甯爾民嬰齊受命於蜀奉承以來弗敢失隕而致諸宗祧曰我先君共王引領北望日月以冀傳序相授於今四王矣嘉惠未至唯襄公之辱臨我喪孤與其二三臣悼心失圖社稷之不皇況能懷思君德今君若步玉趾辱見寡君寵靈楚國以信蜀之役致君之嘉惠是寡君既受貺矣何蜀之敢望其先君鬼神實嘉賴之豈唯寡君君若不來使臣請問行期寡君將承質幣而見於蜀以請先君之貺公將往夢襄公祖梓慎

左傳事緯卷八

十一

易不書金

曰君不果行襄公之適楚也夢周公祖而行今襄公實祖君其不行子服惠伯曰行先君未嘗適楚故周公祖以道之襄公適楚矣而祖以道君不行何之三月公如楚鄭伯勞於師之梁孟僖子爲介不能相儀及楚不能答郊勞楚子享公於新臺使長鬻者相好以大屈旣而悔之蕞啟疆聞之見公公語之拜賀公曰何賀對曰齊與晉越欲此久矣寡君無適與也而傳諸君君其備禦三鄰慎守寶矣敢不賀乎公懼乃反之

年陳哀公元

妃鄭姬生悼太子偃師二妃生公子畱下妃生公子勝二妃嬖畱有寵屬諸司徒招與公子過哀公有廢疾三月甲申公子招

公子過殺悼天子偃師而立公子雷夏四月辛亥哀公綏于徵師赴於楚且告有立君公子勝愬之於楚楚人執而殺之公子雷奔鄭書曰陳侯之弟招殺陳世子偃師罪在招也楚人執陳行人于徵師殺之罪不在行人也陳公子招歸罪於公子過而殺之九月楚公子弃疾帥師奉吳圖陳宋戴惡會之冬十一月壬午滅陳輿嬖袁克殺馬毀玉以犇楚人將殺之請寘之既又請私私於幄加絰於頹而逃使穿封戌爲陳公曰城麋之役不諂侍飲酒於玉王曰城麋之役女知寡人之及此女其辟寡人乎對曰若知君之及此臣必致死禮以息楚晉侯問於史趙

左傳事緯卷八

十一 昭宗書室

曰陳其遂亡乎對曰未也公曰何故對曰陳顛頊之族也歲在鶉火是以卒滅陳將如之今在析木之津猶將復由且陳氏得政於齊而後陳卒亡自幕至於瞽瞍無違命舜重之以明德寘德於遂遂世守之及胡公不淫故周賜之姓使祀虞帝臣聞盛德必百世祀虞之世數未也繼守將在齊其兆既存矣九年春叔弓宋華亥鄭游吉衛趙厲會楚子於陳夏四月陳災鄭裨竈曰五年陳將復封封五十二年而遂亡子產問其故對曰陳水屬也火水妃也而楚所相也今火出而火陳遂楚而建陳也妃以五成故曰五年歲五及鶉火而後陳卒亡楚克有天之

道也故曰五十一年

十一

景王問於萇宏曰今茲諸侯何實

吉何實凶對曰蔡凶此蔡侯般弑其君之歲也歲在豕韋弗過  
此矣楚將有之然壅也歲及大梁蔡復楚凶天之道也楚子在  
申召蔡靈侯靈侯將往蔡大夫曰王貪而無信唯蔡於感今幣  
重而言甘誘我也不如無往蔡侯不可三月丙申楚子伏甲而  
享蔡侯於申醉而執之夏四月丁巳殺之刑其士七十人公子  
弃疾帥師圍蔡韓宣子問於叔向曰楚其克乎對曰克哉蔡侯  
獲罪於其君而不能其民天將假手於楚以斃之何故不克然  
胥聞之不信以幸不可再也楚王奉孫吳以討於陳曰將定而

左傳事緯卷八

十二

卷八

國陳人聽命而遂縣之今又誘蔡而殺其君以圍其國雖幸而  
克必受其咎弗能久矣桀克有緡以喪其國紂克東夷而隕其  
身楚小位下而亟暴於二王能無咎乎天之假助不善非祚之  
也厚其凶惡而降之罰也且譬之如天其有五材而將用之力  
盡而敝之是以無拯不可沒振楚師在蔡晉荀吳謂韓宣子曰  
不能救陳又不能救蔡物以無親晉之不能亦可知也已爲盟  
主而不恤亡國將焉用之秋會於厥憇謀救蔡也鄭子皮將行  
孺產曰行不遠不能救蔡也蔡小而不順楚大而不德天將棄  
蔡以壅楚盈而罰之蔡必亡矣且喪君而能守者鮮矣三年王

其有咎乎美惡周必復王惡周矣晉人使狐父請蔡於楚弗許  
冬十一月楚子滅蔡用隱大子於岡山申無宇曰不祥五牲不  
相爲用况用諸侯乎王必悔之楚子城陳蔡不羹使弃疾爲蔡  
公王問於申無宇曰弃疾在蔡何如對曰擇子莫如父擇臣莫  
如君鄭莊公城櫟而寘子元焉使昭公不立齊桓公城穀而寘  
管仲焉至於今賴之臣聞五大不在邊五細不在庭親不在外  
羈不在內今弃疾在外鄭丹在內君其少戒王曰國有大城何  
如對曰鄭京櫟實殺曼伯宋蕭亳實殺子游齊渠丘實殺無知  
衛蒲戚實出獻公若由是觀之則害於國末大必折尾夫不掉

左傳事緯卷八

十四 昭宗書室

君所知也 十一 楚子謂成虎若敖之餘也遂殺之或譖成虎  
於楚子成虎知之而不能行書曰楚殺其大夫成虎懷寵也楚  
子狩於州來次於潁尾使蕩侯潘子司馬督囂尹午陵尹喜帥  
師圍徐以懼吳楚子次於乾谿以爲之援雨雪王皮冠秦復陶  
翠被豹舄執鞭以出僕析父從右尹子革夕王見之去冠被舍  
鞭與之語曰昔我先王熊繹與呂伋王孫牟燮父禽父並事康  
王四國皆有分我獨無有今吾使人於周求鼎以爲分王其與  
我乎對曰與君王哉昔我先王熊繹辟在荆山篳路藍縷以處  
草莽跋涉山川以事天子唯是桃弧棘矢以共禦王事齊王舅

也晉及魯衛王母弟也楚是以無分而彼皆有今周與四國服事君王將唯命是從豈其愛鼎王曰昔我皇祖伯父昆吾舊許是宅今鄭人貪賴其田而不我與我若求之其與我乎對曰與君王哉周不愛鼎鄭敢愛田王曰昔諸侯遠我而畏晉今我大城陳蔡不羹賦皆千乘子與有勞焉諸侯其畏我乎對曰畏君王哉是四國者專足畏也又加之以楚敢不畏君王哉工尹路請曰君王命剝圭以爲鉞秘敢請命王入視之析父謂子革吾子楚國之望也今與王言如響國其若之何子革曰摩厲以須王出吾刃將斬矣王出復語左史倚相趨過王曰是良史也子

左傳事緯卷八

十五 鄭公不書室

善視之是能讀三墳五典八索九丘對曰臣嘗問焉昔穆王欲肆其心周行天下將皆必有車轍馬跡焉祭公謀父作祈招之詩以止王心王是以獲沒於祗宮臣問其詩而不知也若問遠焉其焉能知之王曰子能乎對曰能其詩曰祈招之愔愔式昭德音思我王度式如玉式如金形民之力而無醉飽之心王指而入饋不食寢不寐數日不能自克以及於難仲尼曰古也有志克己復禮仁也信善哉楚靈王若能如是豈其辱於乾谿

十三 楚子之爲合尹也殺大司馬薳掩而取其室及卽位奪薳

居田遷許而質許圍蔡洧有寵於王王之滅蔡也其父死焉王

使與於守而行申之會越大夫戮焉王奪鬪韋龜中犢又奪成然邑而使爲郊尹蔓成然故事蔡公故薳氏之族及薳居許圍蔡洧蔓成然皆王所不禮也因羣喪職之族啓越大夫常壽過作亂圍固城克息舟城而居之觀起之死也其子從在蔡車朝吳曰今不封蔡蔡不封矣我請試之以蔡公之命召子于子皙及郊而告之情強與之盟入襲蔡蔡公將食見之而逃觀從使子于食坎用牲加書而速行已徇於蔡曰蔡公召二子將納之與之盟而遣之矣將師而從之蔡人聚將執之辭曰失賊成軍而殺余何益乃釋之朝吳曰二三子若能死亡則如違之以待

左傳事緯卷八

十一八 昭宗書室

所濟者求安定則如與之以濟所欲且違上何適而可眾曰與之乃奉蔡公召二子而盟於鄧依陳蔡人以國楚公子比公子黑肱公子弃疾蔓成然蔡朝吳帥陳蔡不羹許葉之師因四族之徒以入楚及郊陳蔡欲爲名故請爲武軍蔡公知之曰欲速且役病矣請藩而已乃藩爲軍蔡公使須務牟與史狎先入因正僕人殺大子祿及公子罷敵公子比爲王公子黑肱爲合尹次於魚陂公子弃疾爲司馬先除王宮使觀從從師於乾谿而遂告之且曰先歸復所後者剽師及訾梁而潰王聞羣公子之死也自投於車下曰人之愛其子也亦如余乎侍者曰甚焉小

人老而無子知擠於溝壑矣王曰余殺人子多矣能無及此乎  
右尹子革曰請待於郊以聽國人王曰眾怒不可犯也曰若入  
於大都而乞師於諸侯王曰皆叛矣曰若亡於諸侯以聽大國  
之圖君也王曰大福不再祇取辱焉然丹乃歸於楚王泓夏將  
欲入鄆芊尹無宇之子申亥曰吾父再奸王命王弗誅惠孰大  
焉君不可忍惠不可棄吾其從王乃求王遇諸棘闈以歸夏五  
月癸亥王縊於芊尹申亥氏申亥以其二女殉而葬之觀從謂  
子干曰不殺弃疾雖得國猶受禍也子干曰余不忍也子玉曰  
人將忍子吾不忍俟也乃行國每夜駭曰王入矣乙卯夜弃疾

左傳事緯卷八

十七朝宗書字

使周走而呼曰王至矣國人大驚使蔓成然走告子干子皙曰  
王至矣國人殺君司馬將來矣君若早自圖也可以無辱眾怒  
如水火焉不可爲謀又有呼而走至者曰眾至矣二子皆自殺  
丙辰弃疾卽位名曰熊居葬子干於訾實訾殺囚衣之王服  
而流諸漢乃取而葬之以靖國人使子旗爲合尹楚師還自徐  
吳人敗諸豫章獲其五帥平王封陳蔡復遷邑致羣賂施舍寬  
民宥罪舉職召觀從王曰唯爾所欲對曰臣之先佐聞卜乃使  
爲卜尹使枝如子躬聘於鄭且致犖櫟之田事畢弗致鄭人請  
曰聞諸道路將命寡君以犖櫟敢請命對曰臣未聞命旣復王

問欒黶降服而對曰臣過失命未之致也王執其手曰子毋勤  
姑歸不穀有事其告子也他年辛尹申亥以王柩告乃改葬之  
初靈王卜曰余尙得天下不吉投龜詬天而呼曰是區區者而  
不余畀余必自取之民患王之無厭也故從亂如歸初共王無  
冢適有寵子五人無適立焉乃大有事於羣望而祈曰請神擇  
於五人者使主社稷乃徧以璧見於羣望曰當璧而拜者神所  
立也誰敢違之既乃與巴姬密埋璧於大室之庭使五人齋而  
長入拜康王跨之靈王肘加焉子干子皙皆遠之平王弱抱而  
入再拜皆厭紐鬪韋龜屬成然焉且曰棄禮違命楚其危哉子

左傳事緯卷八

十八 左傳事緯卷八

干歸韓宣子問於叔向曰子干其濟乎對曰難宣子曰同惡相  
求如市賈焉何難對曰無與同好誰與同惡取國有五難有寵  
而無人一也有人而無主二也有主而無謀三也有謀而無民  
四也有民而無德五也子干在晉十三年矣晉楚之從不聞達  
者可謂無人族盡親叛可謂無主無釁而動可謂無謀爲羈終  
世可謂無民亡無愛徵可謂無德王虐而不忌楚君子干涉五  
難以弑舊君誰能濟之有楚國者其弃疾乎君陳蔡城外屬焉  
苛慝不作盜賊伏隱私欲不違民無怨心先神命之國民信之  
芊姓有亂必季實立楚之常也獲神一也有民二也令德三也

寵貴四也居常五也有五利以去五難誰能害之子干之官則右尹也數其貴寵則庶子也以神所命則又遠之其貴亡矣其寵棄矣民無懷焉國無與焉將何以立宣子曰齊桓晉文不亦是乎對曰齊桓衛姬之子也有寵於僖有鮑叔牙賓須無隰朋以爲輔佐有莒衛以爲外主有國高以爲內主從善如流下善齊肅不藏賄不從欲施舍不倦求善不厭是以有國不亦宜乎我先君文公狐季姬之子也有寵於獻好學而不貳生十七年有士五人有先大夫子餘子犯以爲腹心有魏犢賈佗以爲股肱有齊宋秦楚以爲外主有欒郤狐先以爲內主亡十九年守

左傳事緯卷八

十九 朝宗書室

志彌篤惠懷棄民民從而與之獻無異親民無異望天方相晉將何以代文此二君者異於子干共有寵于國有奧主無施於民無援於外去晉而不送歸楚而不逆何以冀國楚之滅蔡也靈王遷許胡沈道房申於荆焉平王卽位既封陳蔡而皆復之禮也隱大子之子廬歸於蔡禮也悼大子之子吳歸於陳禮也冬十月葬蔡靈公禮也 十四 夏楚子使然丹簡上國之兵於宗且撫其民分貧振窮長孤幼養老疾收介特枝災患宥孤寡赦罪戾詰姦慝舉淹滯禮新敘舊祿勲合親任良物官使屈罷簡東國之兵於召陵亦如之好於邊疆息民五年而後用師

禮也楚合尹子旗有德於王不知度與養氏比而求無厭王患之九月甲午楚子殺鬬成然而滅養氏之族使鬬辛居郢以無

忘舊勲年十五楚費無極害朝吳之在蔡也欲去之乃謂之曰

王唯信子故處子於蔡子亦長矣而在下位辱必求之吾助子

請又謂其上之人曰王唯信吳故處諸蔡二三子莫之如也而

在其上不亦難乎弗圖必及於難夏蔡人逐朝吳朝吳出奔鄭

王怒曰余唯信吳故寘諸蔡且微吳吾不及此女何故去之無

極對曰臣豈不欲吳然而前知其為人之異也吳在蔡蔡必速

飛去吳所以翦其翼也年十六楚子聞蠻氏之亂也與蠻子之

無質也使然丹誘戎蠻子嘉殺之遂取蠻氏既而復立其子焉

禮也年十九合尹子瑕言蹶由於楚子曰彼何罪諺所謂室於

怒市於邑者楚之謂矣舍前之忿可也乃歸蹶由二十三月

葬蔡平公蔡大子朱失位位在卑大夫送葬者歸見昭子昭子

問蔡故以告昭子歎曰蔡其亡乎若不亡是君也必不終詩曰

不解於位民之攸暨今蔡侯始即位而適卑身將從之蔡侯朱

出奔楚費無極取貨於東國而謂蔡人曰朱不用命於楚君王

將立東國若不先從王欲楚必圍蔡蔡人懼出朱而立東國朱

愬於楚楚子將討蔡無極曰平侯與楚有盟故封其子有二心

左傳事緯卷八

二十 亡不書至

故廢之靈王殺隱太子其子與君同惡德君必甚又使立之不可乎且廢置在君蔡無他矣

楚靈昏王也而合諸侯恃其暴也然晉實不競自弭兵之役委權於楚至子圍爲令尹因娶聘鄭遂會於虢仍讀舊書用先晉敵楚之重得志於晉子圍爲之也圍之爲政也僭內外懼之及虢之會設服離衛置蒲宮賦大明儼然王之威儀矣晉固知其侈汰將必爲君也而莫與亢焉圍益輕晉矣歸國之日弑君自立會於申以召諸侯而諸姬景從淮夷竝至於是伐吳滅賴悉用列國之師莫或違也曩者宋之盟欲弭兵

左傳事緯卷八

二一 朝於宋書室

也今則兵未嘗弭而反以虞夏商周之肩供蠻夷之驅使晉之失計不重辱乎慶封齊亂臣也族誅於吳陳招殺世子者也執放於越蔡般弑君自立者也誘殺於申數年之間殄滅三逆非不義舉然乘隙利禍非實能問罪也陳招之罪不至滅亡而蔡子般之弑君業已十三年矣一旦用討遂稱霸略哉朱方旣克將戮慶封椒舉曰臣聞無瑕者可以戮人君勿播於諸侯也靈王不聽徇於軍中曰有若齊慶封弑其君者乎慶封曰有若楚公子圍弑其兄之子而代之者乎軍人粲然皆笑夫懷瑕戮人慶封雖死不服也陳蔡而獨服邪滅國

爲邑用人爲牲憑惡恃彊不仁孰甚乃民已弗堪而已猶不  
悟築章華之宮崇於匏居之臺合富都那豎贊於其中長鬣  
之士相於其上自謂美觀不知遠邇之騷遑也四邑之城形  
若偶國螽蟻既多牛尾不掉諫者之來則曰我左執鬼中右  
執殤宮凡百箴諫吾盡聞之矣貞言已塞禍敗隨之方欲興  
兵北瞰中原求九鼎於周求許田於鄭而羣怨偕作四族並  
起莫可如何也郝敖靈所縊而弑也而身還自縊幕及平夏  
靈所殺也而二子還見殺昔詬天而呼今投車而泣匍匐棘  
闈藁葬原野猶欲追踪六王二公之事奚可得乎

齊景納燕莒

昭三燕簡公多嬖寵欲去諸大夫而立其寵人冬燕大夫比以

殺公之外嬖公懼奔齊書曰北燕伯款出奔齊罪之也

年六

一月齊侯如晉請伐北燕也士匄相士鞅逆諸河禮也晉侯許

之十二月齊侯遂伐北燕將納簡公晏子曰不入燕有君矣民

不貳吾君賄左右諂作大事不以信未嘗可也 七年春王

正月暨齊平齊求之也癸巳齊侯次於號燕人行成曰敝邑知

罪敢不聽命先君之敝器請以謝罪公孫皙曰受服而退俟豐

而動可也二月戊午盟於濡上燕人歸燕姬賂以瑤瓊玉櫝學

左傳事緯卷八

一三二 朝古書卷五

百不克而還 十二年春齊高偃納北燕伯款於唐因其眾也

襄三十一年 莒犁比公生去疾及展輿既立展輿又廢之犁比公

虐國人患之十一月展輿因國人以攻莒子弑之乃立去疾奔

齊齊出也展輿吳出也書曰莒人弑其君買朱鉏言罪之在也

昭元年 莒展輿立而奪羣公子秩公子召去疾於齊秋齊公子

鉏納去疾展輿奔吳叔弓帥師疆鄆田因莒亂也於是莒務婁

瞽胡及公子滅明以大厖與常儀靡奔齊君子曰莒展之不立

棄人也夫人可棄乎詩曰無競維人善矣 秋八月莒著

正公卒郊公不感國人弗順欲立著正公之弟庚與蒲餘侯惡

公子意恢而善於庚與郊公惡公子鐸而善於意恢公子鐸因蒲餘侯而與謀曰爾殺意恢我出君而納庚與許之冬十二月蒲餘侯茲夫殺莒公子意恢郊公奔齊公子鐸逆庚與於齊齊隲黨公子鉏送之有賂田十九秋高齊發帥師伐莒莒子奔紀鄆使孫書伐之初莒有婦人莒子殺其夫已爲嫠婦及老託於紀鄆紡焉以度而去之及師至則投諸外或獻諸子占子占使師夜縋而登登者六十人縋絕師鼓譟城上之人亦譟莒共公懼啟西門而出七月丙子齊師入紀 二十二年春王二月甲子齊北郭啓帥師伐莒莒子將戰苑羊牧之諫曰齊帥賤其求不多不如下之大國不可怒也弗聽敗齊師於壽餘齊侯伐莒莒子行成司馬竈如莒涖盟莒子如齊涖盟盟於稷門之外莒於是乎大惡其君 二十莒子庚與虐而好劍苟鑄劍必試諸人國人患之又將叛齊烏存帥國人以逐之庚與將出聞烏存執爰而立於道左懼將止死苑羊牧之曰君過之烏存以力聞可矣何必以弑君成名遂來奔齊人納郊公

左傳事緯卷八

一四 朝宗書室

齊景公際平昭霸衰之日多歷年所意存代興而卒無遠略者志狃於小圖兵耀於妄動也燕伯小國僻處北域桓公以餘威救之刺令支斬孤竹猶且割地以賜而後諸侯服焉今

也伯款失政臣下逐之卽其事亦乾侯之先轍也受賂而還  
義既不昭討而終盟師出不武遲回數歲師徒再興納於唐  
猶無納也無論燕人不服天下有以窺景公矣莒嬴姓之微  
國也二十餘年之內密州弑則去疾奔展輿奔而去疾入去  
疾卒則郊公奔庚與出則郊公入國非鄭衛而突忽剽衍紛  
出其閒其於君臣父子之際無道久矣霸主有討義固首正  
然景公於急不能納魯昭豈於緩能納莒郊哉郊公冢適越  
在草莽蒲餘逆謀隰黨受賂因循數年而後舉事無非因亂  
而動非真能納人主也然景公所處亦極難耳當靈莊殘刻  
之餘國脈削剝於茲爲甚公之卽位雖值晉霸之不振而文  
公之流風餘澤猶有存焉欲圖代興終難驟得北燕徐莒僅  
威小弱以此求伯勢必不成況又政在陳氏乎是以其始不  
能討崔慶其繼不能正欒高田氏得民君臣私憂終亦莫如  
之何何況乎燕莒之緩圖也

公襄二十三年春杞孝公卒晉悼夫人喪之平公不徹樂非禮也

禮爲鄰國闕六杞晉韓宣子聘於周王使請事對曰晉士起

將歸時事於宰旅無他事矣王聞之曰韓氏其昌阜於晉乎辭

不失舊六杞晉平公杞出也故治杞六月知悼子合諸侯之

大夫以城杞孟孝伯會之鄭子大叔與伯石往于大叔見大叔

文子與之語文子曰甚乎其城杞也子大叔曰若之何哉晉國

不恤周宗之闕而夏肄是屏其棄諸姬亦可知也已諸姬是棄

其誰歸之吉也聞之棄同卽異是謂離德詩曰協比其鄰昏姻

左傳事緯卷八

一二十八 朝古不書室

孔云晉不鄰參其誰云之晉侯使司馬女叔侯來治杞田弗盡

歸也晉悼夫人愠曰齊也取貨先君若有知也不尙取之公告

叔侯叔侯曰虞虢焦滑霍揚韓魏皆姬姓也晉是以大若非侵

小將何所取武獻以下兼國多矣誰得治之杞夏餘也而卽東

夷魯周公之後也而睦於晉以杞封魯猶可而何有焉魯之於

晉也職貢不乏玩好時至公卿大夫相繼於朝史不絕書府無

虛月如是可矣何必瘠魯以肥杞且先君而有知也毋甯夫人

而焉用老臣杞文公來盟書曰子賤之也冬孟孝伯如晉報范

叔也

三

年十二月癸未晉悼夫人食輿人之城杞者絳縣人或

年長矣無子而往與於食有與疑年使之年曰臣小人也不知  
紀年臣生之歲正月甲子朔四百有四十五甲子矣其季於今  
三之一也吏走問諸朝師曠曰魯叔仲惠伯會郤成子於承匡  
之歲也是歲也狄伐魯叔孫莊叔於是乎敗狄於鹹獲長狄僑  
如及虺也豹也而皆以名其子七十三年矣史趙曰亥有二首  
六身下二如身是其日數也士文伯曰然則二萬六千六百有  
六旬也趙孟問其縣大夫則其屬也召之而謝過焉曰武不才  
任君之大事以晉國之多虞不能由吾子使吾子辱在泥塗久  
矣武之罪也敢謝不才遂仕之使助爲政辭以老與之田使爲

傳事緯卷八

一七

卷八

君復陶以爲絳縣師而廢其輿尉於是魯使者在晉歸以語諸  
大夫季武子曰晉未可媮也有趙孟以爲大夫有伯瑕以爲佐  
有史趙師曠而咨度焉有叔向女齊以師保其君其朝多君子  
其庸可媮也勉事之而後可 三十一年春王正月穆叔至自  
會見孟孝伯語之曰趙孟將死矣其語偷不似民主且年未盈  
五十而諄諄焉如八九十者弗能久矣若趙孟死爲政者其韓  
子乎吾子盍與季孫言之可以樹善君子也晉君將失政矣若  
不樹焉使早備魯既而政在大夫韓子懦弱大夫多貪求欲無  
厭齊楚未足與也魯其懼哉孝伯曰人生幾何誰能無偷朝不

及夕將安用樹穆叔出而告人曰孟孫將死矣吾語諸趙孟之  
偷也而又甚焉又與季孫語晉故季孫不從及趙文子卒晉公  
室卑政在侈家韓宣子爲政不能圖諸侯魯不堪晉求讒黜宏  
多是以有平丘之會己亥孟孝伯卒昭元晉侯有疾鄭伯使  
公孫僑如晉聘且問疾叔向問焉曰寡君之疾病卜人曰實沈  
臺駘爲祟史莫之知敢問此何神也子產曰昔高辛氏有二子  
伯曰闕伯季曰實沈居於曠林不相能也日尋干戈以相征討  
后帝不臧遷闕伯於商正主辰商人是因故辰爲商星遷實沈  
於大夏主參唐人是因以服事夏商其季世曰唐叔虞當武王

左傳事緯卷八

朝之不書室

邑姜方震大叔夢帝謂己余命而子曰虞將與之唐屬諸參而  
蕃育其子孫及生有文在其手曰虞遂以命之及成王滅唐而  
封大叔焉故參爲晉星由是觀之則實沈參神也昔金天氏有  
裔子曰昧爲元冥師生允格臺駘臺駘能業其官宣汾洮障大  
澤以處大原帝用嘉之封諸汾川沈姒蓐黃實守其祀今晉主  
汾而滅之矣由是觀之則臺駘汾神也抑此二者不及君身山  
川之神則水旱癘疫之災於是乎禳之日月星辰之神則雪霜  
風雨之不時於是乎禳之若君身則亦出入飲食哀樂之事也  
山川星辰之神又何爲焉僑聞之君子有四時朝以聽政晝以

訪問夕以修令夜以安身於是乎節宣其氣勿使有所壅閉湫底以露其體茲心不爽而昏亂百度今無乃壹之則生疾矣橋又聞之內官不及同姓其生不殖美先盡矣則相生疾君子是以惡之故志曰買妾不知其姓則卜之違此二者古之所慎也男女辨姓禮之大司也今君內實有四姬焉其無乃是也乎若由是二者弗可爲也已四姬有省猶可無則必生疾矣叔向曰善哉胥未之聞也此皆然矣叔向出行人揮送之叔向問鄭故焉且問子皙對曰其與幾何無禮而好陵人怙富而卑其上弗能久矣晉侯聞子產之言曰博物君子也重賄之晉侯求醫於

左傳事緯卷八

一九

朝宗書室

秦秦伯使醫和視之曰疾不可爲也是謂近女室疾如蠱非鬼非食惑以喪志良臣將死天命不祐公曰女不可近乎對曰節之先王之樂所以節百事也故有五節遲速本末以相及中聲以降五降之後不容彈矣於是有煩手淫聲惛堙心耳乃忘平和君子弗聽也物亦如之至於煩乃舍也已無以生疾君子之近琴瑟以儀節也非以恣心也天有六氣降生五味發爲五色徵爲五聲淫生六疾六氣曰陰陽風雨晦明也分爲四時序爲五節過則爲菑陰淫寒疾陽淫熱疾風淫末疾雨淫腹疾晦淫惑疾明淫心疾女陽物而晦時淫則生內熱惑蠱之疾今君不

節不時能無及此乎出告趙孟趙孟曰誰當良臣對曰主是謂矣主相晉國於今八年晉國無亂諸侯無闕可謂良矣和聞之國之大臣榮其寵祿任其大節有菑禍興而無改焉必受其咎今君至於淫以生疾將不能圖恤社稷禍孰大焉主不能禦吾是以云也趙孟曰何謂蠱對曰淫溺惑亂之所生也於文皿蟲爲蠱穀之飛亦爲蠱在周易女惑男風落山謂之蠱三三皆同物也趙孟曰良醫也厚其禮而歸之十二月晉既烝趙孟適南陽將會孟子餘甲辰朔烝於温庚戌卒鄭伯如晉弔及雍乃復

二年春晉侯使韓宣子來聘且告爲政而來見禮也觀書於

左傳事緯卷八

二十一 昭宗不書室

大史氏見易象與魯春秋曰周禮盡在魯矣吾乃今知周公之德與周之所以王也公享之季武子賦縣之卒章韓子賦芻弓季武子拜曰敢拜子之彌縫敝邑寡君有望矣武子賦節之卒章既享宴於季氏有嘉樹焉宣子譽之武子曰宿敢不封殖此樹以無忘角弓遂賦甘棠宣子曰起不堪也無以及召公宣子遂如齊納幣見子雅子雅召子旗使見宣子宣子曰非保家之主也不臣見子尾子尾見彊宣子謂之如子旗大夫多笑之唯晏子信之曰夫子君子也君子有信其有以知之矣自齊聘於衛衛侯享之北宮文子賦淇澳宣子賦木瓜夏四月韓須如齊

逆女齊陳無宇送女致少姜少姜有寵於晉侯晉侯謂之少齊  
謂陳無宇非卿執諸中都少姜爲之請曰送從逆班畏大國也  
猶有所易是以亂作叔弓聘於晉報宣子也晉侯使郊勞辭曰  
寡君使弓來繼舊好固曰女無敢爲賓徹命於執事敝邑弘矣  
敢辱郊使請辭致館辭曰寡君命下臣來繼舊好好合使成臣  
之祿也敢辱大館叔向曰子叔子知禮哉吾聞之忠信禮之器  
也卑讓禮之宗也辭不忘國忠信也先國後己卑讓也詩曰敬  
慎威儀以近有德夫子近德矣晉少姜卒公如晉及河晉侯使  
士文伯來辭曰非伉儷也請君無辱公還季孫宿遂致服焉叔

左傳事終卷八

二二一

第百零三卷

向言陳無宇於晉侯曰彼何罪君使公族逆之齊使上大夫送  
之猶曰不共君求以貪國則不共而執其使君刑已頗何以爲  
盟主且少姜有辭冬十月陳無宇歸十一月鄭印段如晉弔  
三年春王正月鄭游吉如晉送少姜之葬梁丙與張趯見之梁  
丙曰甚矣哉子之爲此來也子大叔曰將得已乎昔文襄之霸  
也其務不煩諸侯令諸侯三歲而聘五歲而朝有事而會不協  
而盟君薨大夫弔卿共葬事夫人士弔大夫送葬足以昭禮命  
事謀闕而已無加命矣今嬖寵之喪不敢擇位而數於守適唯  
懼獲戾豈敢憚煩少姜有寵而死齊必繼室今茲吾又將來賀

不唯此行也張趯曰善哉吾得聞此數也然自今子其無事矣  
譬如火焉火中寒暑乃退此其極也能無退乎晉將失諸侯諸  
侯求煩不獲二大夫退子大叔告人曰張趯有知其猶在君子  
之後乎齊侯使晏嬰請繼室於晉曰寡君使嬰曰寡人願事君  
朝夕不倦將奉質幣以無失時則國家多難是以不獲不腆先  
君之適以備內官焜燿寡人之望則又無祿早世隕命寡人失  
望君若不忘先君之好惠顧齊國辱收寡人微福於大公丁公  
照臨敝邑鎮撫其社稷則猶有先君之適及遺姑姊妹若而人  
君若不棄敝邑而辱使董振擇之以備嬪嬙寡人之望也韓宣

左傳事緯卷八

三十一 昭宗會堂

子使叔向對曰寡君之願也寡君不能獨任其社稷之事未有  
伉儷在縗絰之中是以未敢請君有辱命惠莫大焉若惠顧敝  
邑撫有晉國賜之內主豈唯寡君舉羣臣實受其貺其自唐叔  
以下實寵嘉之既成昏晏子受禮叔向從之宴相與語叔向日  
齊其何如晏子曰此季世也吾弗知齊其爲陳氏矣公棄其民  
而歸於陳氏齊舊四量豆區釜鍾四升爲豆各目其四以登於  
釜釜十則鍾陳氏三量皆登一焉鍾乃大矣以家量貸而以公  
量收之山木如市弗加於山魚鹽蜃蛤弗加於海民參其力二  
入於公而衣食其一公聚朽蠹而三老凍餒國之諸市屢賤踊

貴民人痛疾而或煨休之其愛之如父母而歸之如流水欲無獲民將焉辟之箕伯直柄虞遂伯戲其相胡公大姬已在齊矣叔向曰然雖吾公室今亦季世也戎馬不駕卿無軍行公乘無人卒列無長庶民罷敝而宮室滋侈道殫相望而女富溢尤民間公命如逃寇讎欒郤胥原狐續慶伯降在阜隸政在家門民無所依君日不悛以樂愒憂公室之卑其何日之有讒鼎之銘曰昧且丕顯後世猶怠況日不悛其能久乎晏子曰子將若何叔向曰晉之公族盡矣胥聞之公室將卑其宗族枝葉先落則公從之胥之宗十一族唯羊舌氏在而已胥又無子公室無度

左傳事緯卷八

二二 朝宗書室

幸而得死豈其獲祀初景公欲更晏子之宅曰子之宅近市湫隘囂塵不可以居請更諸爽塏者辭曰君之先臣容焉臣不足以嗣之於臣侈矣且小人近市朝夕得所求小人之利也敢煩里旅公笑曰子近市識貴賤乎對曰旣利之敢不識乎公曰何貴何賤於是景公繁於刑有鬻踊者故對曰踊貴屨賤旣已告於君故與叔向語而稱之景公爲是省於刑君子曰仁人之言其利溥哉晏子一言而齊侯省刑詩曰君子如祉亂庶遄已其是之謂乎及晏子如晉公更其宅反則成矣旣拜乃毀之而爲里室皆如其舊則使宅人反之且諺曰非宅是卜唯鄰是卜一

三子先卜鄰矣違卜不祥君子不犯非禮小人不犯不祥古之制也吾敢違諸乎卒復其舊宅公弗許因陳桓子以請乃許之晉韓起如齊逆女公孫薑爲少姜之有寵也以其子更公女而嫁公子人謂宣子子尾欺晉晉胡受之宣子曰我欲得齊而遠其寵寵將來乎秋七月鄭罕虎如晉賀夫人且告曰楚人日微敝邑以不朝立王之故敝邑之行則畏執事其謂寡君而固有外心其不往則宋之盟云進退罪也寡君使虎布之宣子使叔向對曰君若辱有寡君在楚何害修宋盟也君苟思盟寡君乃知免於戾矣君若不有寡君雖朝夕辱於敝邑寡君猜焉君實

左傳事緯卷八

二四

朝之不書室

有心何辱命焉君其往也苟有寡君在楚猶在晉也張趯使謂大叔曰自子之歸也小人糞除先人之敝廬曰子其將來今子皮實來小人失望大叔曰吉賤不獲來畏大國尊夫人也且孟曰而將無事吉庶幾焉六年春王正月杞文公卒弔如同盟禮也杞晉人來治杞田季孫將以成與之謝息爲孟孫守不可曰人有言曰雖有挈餅之知守不假器禮也夫子從君而守臣喪邑雖吾子亦有猜焉季孫曰君之在楚於晉罪也又不聽晉魯罪重矣晉師必至吾無以待之不如與之間晉而取諸杞吾與子桃成反誰敢有之是得二成也魯無憂而孟孫益邑子

何病焉辭以無山與之萊柞乃遷於桃晉人爲杞取成鄭子產聘於晉晉侯有疾韓宣子逆客私焉曰寡君寢疾於今三月矣竝走羣望有加而無瘳今夢黃熊入於寢門其何厲鬼也對曰以君之明子爲大政其何厲之有昔堯殛鯀於羽山其神化爲黃熊以入於羽淵實爲夏郊三代祀之晉爲盟主其或者未之祀也乎韓子祀夏郊晉侯有閒賜子產莒之二方鼎 八年春石言於晉魏榆晉侯問於師曠曰石何故言對曰石不能言或馮焉不然民聽濫也抑臣又聞之曰作事不時怨讟動於民則有非言之物而言今宮室崇侈民力彫盡怨讟竝作莫保其性

左傳事緯卷八

二五 朝宗書室

石言不亦宜乎於是晉侯方築虎祁之宮叔向曰子野之言君子哉君子之言信而有徵故怨遠於其身小人之言僭而無徵故怨咎及之詩曰哀哉不能言匪舌是出唯躬是瘁哿矣能言巧言如流俾躬處休其是之謂乎是宮也成諸侯必叛君必有咎夫子知之矣叔弓如晉賀虎祁也游吉相鄭伯以如晉亦賀虎祁也史趙見子大叔曰甚哉其相蒙也可弔也而又賀之子大叔曰若何弔也其非唯我賀將天下實賀 九年周甘人與晉

閻嘉爭閻田晉梁丙張趯率陰戎伐潁王使詹桓伯辭於晉曰

我自夏以后稷魏駘芮岐畢吾西土也及武王克商蒲姑商奄

吾東土也巴濮楚鄧吾南土也肅慎燕亳吾北土也吾何瀕封  
之有文武成康之建母弟以蕃屏周亦其廢隊是爲豈如弁髦  
而因以敝之先王居櫛机於四裔以禦螭魅故允姓之姦居於  
瓜州伯父惠公歸自秦而誘以來使偪我諸姬入我郊甸則戎  
焉取之戎有中國誰之咎也后稷封殪天下今戎制之不亦難  
乎伯父圖之我在伯父猶衣服之有冠冕木水之有本原民人  
之有謀主也伯父若裂冠毀冕拔本塞原專奔謀主雖戎狄其  
何有余一人叔向謂宣子曰文之伯也豈能改物翼戴天子而  
加之以共自女以來世有衰德而暴滅宗周以宣示其侈諸侯  
之貳不亦宜乎且王辭直子其圖之宣子說王有姻喪使趙成  
如周弔且致閭田與櫛反潁俘王亦使賓滑執甘大夫襄以說  
於晉晉人禮而歸之晉荀盈如齊逆女還六月卒於戲陽殯於  
絳未葬晉侯飲酒樂膳宰屠蒯趨入請佐公使尊許之而遂酌  
以飲工曰女爲君耳將司聰也辰在子卯謂之疾日君徹宴樂  
學人舍業爲疾故也君之卿佐是謂股肱股肱或虧何痛如之  
女弗聞而樂是不聰也又飲外嬖嬖叔曰女爲君目將司明也  
服以旌禮禮以行事事有其物物有其容今君之容非其物也  
而女不見是不明也亦自飲也曰味以行氣氣以實志志以定

言言以出合臣實司味二御失官而君弗命臣之罪也公說徹  
酒初公欲廢知氏而立其外嬖爲是悛而止秋八月使荀躒佐  
下軍以說焉 十年春王正月有星出於婺女鄭裨雷言於子  
產曰七月戊子晉君將死今茲歲在顛頊之虛姜氏任氏實守  
其地居其維首而有妖星焉告邑姜也邑姜晉之妣也天以七  
紀戊子逢公以登星斯於是乎出吾是以譏之戊子晉平公卒  
鄭伯如晉及河晉人辭之游吉遂如晉九月叔孫婼齊國弱宋  
華定衛北宮喜鄭罕虎許人曹人莒人邾人滕人薛人杞人小  
邾人如晉葬平公也鄭子皮將以幣行子產曰喪焉用幣用幣

左傳事緯卷八

必百兩百兩必千人千人至將不行不行必盡用之幾千人而  
國不亡子皮固請以行既葬諸侯之大夫欲因見新君叔孫昭  
子曰非禮也弗聽叔向辭之曰大夫之事畢矣而又命孤孤斬  
焉在衰經之中其以嘉服見則喪禮未畢其以喪服見是重受  
弔也大夫將若之何皆無辭以見子皮盡用其幣歸謂子羽曰  
非知之實難將在行之夫子知之矣我則不足書曰欲敗度縱  
敗禮我之謂矣夫子知度與禮矣我實縱欲而不能自克也  
十二年齊侯衛侯鄭伯如晉朝嗣君也公如晉至河乃復取鄭之  
役莒人懇於晉晉有平公之喪未之治也故辭公公子懋遂如

晉晉侯享諸侯子產相鄭伯辭於享請免喪而後聽命晉人許之禮也晉侯以齊侯宴中行穆子相投壺晉侯先穆子曰有酒如淮有肉如坻寡人中此爲諸侯師中之齊侯舉矢曰有酒如澠有肉如陵寡人中此與君代興亦中之伯瑕謂穆子曰子失辭吾固師諸侯矣壺何爲焉其以中僭也齊君弱吾君歸弗來矣穆子曰吾軍帥彊禦卒乘競勸今猶古也齊將何事公孫僂趨進曰日旰君勤可以出矣以齊侯出

廿三晉成虎祁諸侯

朝而歸者皆有貳心爲取耶故晉將以諸侯來討叔向曰諸侯不可以不示威乃並徵會告於吳秋晉侯會吳子於良水道不

可吳子辭乃還七月丙寅治兵於邾南甲車四千乘羊舌鮒攝司馬遂合諸侯於平並子產子大叔相鄭伯以會子產以幄幕九張行子大叔以四十旣而悔之每舍損焉及會亦如之次於衛地叔鮒求貨於衛淫芻蕘者衛人使屠伯饋叔向羹與一篋錦曰諸侯事晉未敢攜貳况衛在君之宇下而敢有異志芻蕘者異於他日敢請之叔向受羹反錦曰晉有羊舌鮒者瀆貨無厭亦將及矣爲此役也子若以君命賜之其已客從之未退而禁之晉人將尋盟齊人不可晉侯使叔向告劉獻公曰抑齊人不盟若之何對曰盟以底信君苟有信諸侯不貳何患焉告之

以文辭董之以武師雖齊不許君庸多矣天子之老請帥王賦  
元戎十乘以先啟行遲速唯君叔向告於齊曰諸侯求盟已在  
此矣今君弗利寡君以爲請對曰諸侯討貳則有尋盟若皆用  
命何盟之尋叔向曰國家之敗有事而無業事則不經有業而  
無禮經則不序有禮而無威序則不共有威而不昭共則不明  
不明棄共百事不終所由傾覆也是故明王之制使諸侯歲聘  
以志業開朝以講禮再朝而會以示威再會而盟以顯昭明志  
業於好講禮於等示威於眾昭明於神自古以來未之或失也  
存亡之道恆由是興晉禮主盟懼有不治奉承齊犧而布諸君

左傳事緯卷八

二九 昭宗書室

求終事也君曰余必廢之何齊之有唯君圖之寡君聞命矣齊  
人懼對曰小國言之大國制之敢不聽從既聞命矣敬共以往  
遲速唯君叔向曰諸侯有聞矣不可以不示眾八月辛未治兵  
建而不旆壬申復旆之諸侯畏之邾人覬於晉曰魯朝夕  
伐我幾亡矣我之不共魯故之以晉侯不見公使叔向來辭曰  
諸侯將以甲戌盟寡君知不得事君矣請君無勤子服惠伯對  
曰君信蠻夷之訴以絕兄弟之國棄周公之後亦唯君寡君聞  
命矣叔向曰寡君有甲車四千乘在雖以無道行之必可畏也  
況其率道其何敵之有牛雖瘠饋於豚上其畏不死南蒯子仲

之憂其庸可棄乎若奉晉之眾用諸侯之師因邾莒杞郟之怒以討魯罪開其二憂何求而弗克魯人懼聽命甲戌同盟於平丘齊服也令諸侯日中造於除癸酉退朝子產命外僕速張於除子大叔止之使待明日及夕子產聞其未張也使速往乃無所張矣及盟子產爭承曰昔天子班貢輕重以列列尊貢重周之制也卑而貢重者甸服也鄭伯男也而使從公侯之貢懼弗給也敢以爲請諸侯靖兵好以爲事行理之命無月不至貢之無藝小國有闕所以得罪也諸侯修盟存小國也貢獻無極亡可待也存亡之制將在今矣自日中以爭至於昏晉人許之既

左傳事緯卷八

四十 鄭公晉室

盟子大叔咎之曰諸侯若討其可瀆乎子產曰晉政多門貳偷之不暇何暇討國不競亦陵何國之爲公不與盟晉人執季孫意如以幕蒙之使狄人守之司鐸射懷錦奉壺飲冰以蒲伏焉守者御之乃與之錦而入晉人以平子歸子服湫從子產歸未至聞子皮卒哭且曰吾已無爲爲善矣唯夫子知我仲尼謂子產於是行也足以爲國基矣詩曰樂只君子邦家之基子產君子之求樂者也且曰合諸侯藝貢事禮也公如晉荀吳謂韓宣子曰諸侯相朝講舊好也執其卿而朝其君有不好焉不如辭之乃使士景伯辭公於河季孫猶在晉子服惠伯私於中行穆

子曰魯事晉何以不如夷之小國魯兄弟也土地猶大所命能  
具若爲夷棄之使事齊楚其何瘳於晉親親與大賞共罰否所  
以爲盟主也子其圖之諺曰臣一主二吾豈無大國穆子告韓  
宣子曰楚滅陳蔡不能救而爲夷報親將焉用之乃歸季孫  
惠伯曰寡君未知其罪合諸侯而執其老若猶有罪死命可也  
若曰無罪而惠免之諸侯不聞是逃命也何免之爲請從君惠  
於會宣子患之謂叔向曰子能歸季孫乎對曰不能鮒也能乃  
使叔魚叔魚見季孫曰昔鮒也得罪於晉君自歸於魯君微武  
子之賜不至於今雖獲歸骨於晉猶子則肉之敢不盡情歸子

左傳事緯卷八

四一 昭宗晉宣

而不歸鮒也聞諸吏將爲子除館於西河其若之何且泣平子  
懼先歸惠伯待禮 十四年春意如至自晉尊晉罪已也尊晉  
罪已禮也晉邢侯與雍子爭鄆田久而無成士景伯如楚叔魚  
攝理韓宣子命斷舊獄罪在雍子雍子納其女於叔魚叔魚蔽  
罪邢侯邢侯怒殺叔魚與雍子於朝宣子問其罪於叔向叔向  
曰三人同罪施生戮死可也雍子自知其罪而賂以買直鮒也  
鬻獄邢侯專殺其罪一也已惡而掠美爲昏貪以敗官爲墨殺  
人不忌爲賊莫書曰昏墨賊殺皋陶之刑也請從之乃施邢侯  
而尸雍子與叔魚於市仲尼曰叔向古之遺直也治國制刑不

隱於親三數叔魚之惡不爲末滅曰義也夫可謂直矣平王之會數其賄也以寬衛國晉不爲暴歸魯季孫稱其詐也以寬魯國晉不爲虐邢侯之獄言其貪也以正刑書晉不爲煩三言而除三惡加三利殺親益榮猶義也夫

十五冬公如晉平王之

會故也

十六年春王正月公在晉晉人止公不書諱之也齊

侯伐徐二月丙申齊師至於蒲隧徐人行成徐子及邾人莒人會齊侯盟於蒲隧賂以甲父之鼎叔孫昭子曰諸侯之無伯害哉齊君之無道也興師而伐遠方會之有成而還莫之亢也無伯也夫詩曰宗周既滅靡所止戾正大夫離居莫知我肆其是

左傳事緯卷八

四十一 朝 書 卷 八

之謂乎公至自晉子服昭伯語季平子曰晉之公室其將遂卑矣君幼弱六卿彊而奢傲將因是以習習實爲常能無卑乎平子曰爾幼惡識國秋八月晉昭公卒冬十月季平子如晉葬昭公平子曰子服回之言猶信子服氏有子哉

三十夏六月晉

頃公卒秋八月葬鄭游吉弔且送葬魏獻子使士景伯詰之曰

悼公之喪子西弔子嶠送葬今吾子無貳何故對曰諸侯所以歸晉君禮也禮也者小事大字小之謂事大在共其時命字小在恤其所無以敝邑居大國之閒共其職貢與其備御不虞之患豈忘共命先王之制諸侯之喪士弔大夫送葬唯嘉好聘

享三軍之事於是乎使卿晉之喪事做邑之閔先君有所助執  
紼矣若其不閔雖士大夫有所不獲數矣大國之惠亦慶其加  
而不討其乏明底其情取備而已以爲禮也靈王之喪我先君  
簡公在楚我先大夫印段實往做邑之少卿也王吏不討恤所  
無也今大夫曰女盍從舊舊有豐有省不知所從從其豐則寡  
君幼弱是以不共從其省則吉在此矣嗟大夫圖之晉人不能  
詰

春秋之國爲杞動者有二一曰城緣陵一曰城杞城緣陵者  
淮夷病杞齊桓公率諸侯城緣陵以遷杞也城杞者晉平公

左傳事緯卷八

四二 昭宗晉定

因杞出率諸侯之大夫治杞也齊之於杞其心則公諸侯樂  
於同會晉之於杞以夫人之故煩十一國之君卿鄭與魯衛  
皆懷疑怨是故齊桓之城緣陵仲山甫之城東方也晉平之  
城杞周平王之戍申也昔平王不撫其民遠戍母家周人怨  
思揚之水作焉然則天子尙不能動眾以行其私況諸侯乎  
春秋貴道而不貴惠魯僖爲成風而伐邾不名救患晉平爲  
悼夫人而治杞不名保小凡春秋之義私而非公者經乎奪  
之況以一國而動天下沾沾小惠敢勞諸侯哉蓋晉至平公  
霸業漸陵而恤民日以無政嗣是而春作馳底之臺殿設馳

逐之車皿蟲爲祟黃熊入寢晉國之政益不可爲也已昭公  
嗣立在位六年會厥慙而合八國之大夫盟平丘而合十二  
國之諸侯其能有爲也賢於平公矣霸終弗振何居厥慙之  
役救蔡不及平丘之會專欲示威韓子爲政讒慝宏多猶弗  
若趙孟之相平公尙能再合諸侯三合大夫也傳曰晉成虜  
祁諸侯皆有貳心叔向曰諸侯不可不示威焉當斯時也楚  
比方歸熊虔遇弑彊夷內亂利在中國晉於此復修盟主之  
職遠振宋虢之羞君臣所共有事甯獨以虜祁故哉邾莒善  
嚮魯國蒙恥是役也先之以會中之以盟諸侯方將望治而

左傳事總卷八

四四

卷八

竟以執魯大夫終之是晉國之盟會以閒楚而合以怒魯而  
離也春秋書曰公不與盟晉人執季孫意如以歸著晉暴傷  
魯弱也晉曲魯直夫何足諱且初魯之際公已同列國之君  
麋集而相見矣敵血不及何亢之有夫亢魯勢不加損卑魯  
勢不加益晉之罪先定之矣罪者何同盟辱魯非桓文事也  
况虜祁徵朝邾南盛兵業先失禮於諸侯齊以投壺懷貳鄭  
以伯男爭承衛以芻蕘懼淫卽微魯毀四方亦叛宜乎晉合  
諸侯於此焉止而鄆陵之役參盟復見也雖然平公之疾蟲  
也在周易女惑男風落山謂之蠱平公崇臺榭近女室其爲

蠱也二十餘年矣昭公欲以六年振之勢必不能況其才又非幹父之蠱者乎

左傳事緯卷八

四五

晉書

